

集部

欽定四庫全書

集部

東里續集卷三十八

詳校官檢討臣羅國俊

中書臣劉源溥覆勘

校對官中書臣范 鏊 總校官進士臣楊懋行 **路録舉人臣朱錫形** 

**設定四車全書** 昌者因家馬而自曾大 東里街集 朋 所具事狀請銘公廣當從 皆不仕父則祭母手 居睦州宋季有仕迹 俊將奉極肆葬處州 撰

集尤以寬厚得民心洪熙改元名還為刑部照磨尚書 慎詳敏克舉其職坐累出為邯鄲縣丞當要道過使客 先生長者習詩律永樂六年記翰林集四方儒學之士 被賜資詔就翰林益進其藝十八年握兵科給事中勤 纂脩水樂大典及能書士職繕寫公廣以能書薦書成 給事中皆言其才陸刑部廣西清吏司主事盡心欲中 百費取給於縣者日輻輳公廣為之有方民不因而事

得濟其諱公廣字也幼派長克勵於學涉獵既博美從

子男二長布俊次希傑女三長者歸吳宗智餘在室派 廣西清吏司主事封其母太安人妻李安人制可命未 無宽滞者宣徳五年有司援例奏贈其父承徳郎刑部 たこりをという 老而遽卒惜也銘曰 發之不為茍黙雖數以是各怨咎不悔其才可用且未 男女各二公廣居官不為崖岸不失持守遇事不平直 才與時際兮宜厥施兮奄長逝兮孰所致兮 下而公廣以疾卒是年七月十五日也享年五十有一 東里續集

生之自大父野雲大父復真父彦英皆隱居不仕母劉 端雅盖良師範也許先生又言壇均傳於孝行有足尚 北京國子監助教邻先生卒其子壇均介吾友翰林檢 金少正人一是 者遂受事状為叙而銘之叙曰邵世家福州之懷安先 討許子謨先生求為墓銘余數過監學重邻先生淳厚 宋侍御史文濟之孫先生諱煇字時晦幼喪父母賢必 欲成其學問先生亦蚤克自勵遂入邑庠受業明經師 國子助教郃先生墓誌銘

たとりをとら 盡誠學者皆樂歸之平素履行清謹重信義其友兵部 郎中黄安平於北京無强有力親戚在側先生為治飲 戚其中用薦合還除國子助教其學講實有素其誨人 弗戒大延燬廟學謫戍邊者十五年處患難泰然不以 樂大典勤於職務同軍服其能時寫應天府學坐家人 邑庠卒業永樂丙戌登進士第為翰林庶吉士預備永 師先生家在行居京師喻并接例免歸而家益貧復入 退而就其同門之賢者相講論切磋令下調問右實京 東里續集

徳七年八月六日享年七十有二其配錢塘郭氏安道 類此在太學將九年當賜勒命授循職佐郎而卒於宣 國有成均賢士所屬必有師氏乃成衆賢正學為行由 廖伯牛葬以卒之明年某月日墓在其邑某鄉某原銘 闕子生男女各二男即壇均女昼喪其長者次嫁進士 含畢而遣子壇走數千里歸其極及其家於閩其行縣 躬率先維師其難匪今則然維時晦甫茂敦蹈履授業

五年少日をとう

解惑式振厥士既壽考終而藏在此銘以昭之亦慰孝 嚴迪德壽藏墓誌銘

吾邑嚴君迪德馳書北京謂余有生者必有死吾今年 七十有五即旦夕獲全歸幸矣雖吾生甚貧然顓顓持

不敢辱也已豫營一丘矣竊數近世死者其子孫往往 其身不敢踰越誠懼辱吾之先人亦欲吾之子若孫皆

次至日東全島 鉅資豐幣請於縉紳大夫求誌其葬縉紳大夫或未知 東里衛县

誌一言亦及吾之見也余家與嚴世婦姻迪德於余為 率紀實如吾意然子之年加於吾矣盍及今無恙豫為 察也甚者文跖為孔飾市會為道德貽世譏消雖吾之 故殆盡迪徳歸然雖老而健能時時過我今别又三年 從表叔余仕於两京四十年前年始一歸鄉里親交物 子弱且窶不足以動時貴人亦非吾所願也子於人善 恒往来予懷有託其何以群嚴故西昌文獻名家宋館 閣校勘肅稱朴山先生其五世祖也父從禮洪武中國

白ラロアノー

次正四車全1号 其訓有弗率者暑而不校接人意度和裕言必當理安 呼前輩流風餘韻遠矣後生薄俗馳騁世利為雄長彼 食居常体体自得也論今西昌善士非迪德其誰欺嗚 後間有挾勢来侵者迪徳絕口未甞言亦未甞一語干 貧守義非其所當得一芥不取親戚交游有急赴之恐 存心端厚而志行堅確內惇孝友愛兄之子如子而嚴 子學正剛殺端方三子迪德其季也名福真涉獵學問 人以私自縣令丞及邑之賢士君子皆禮遇之布衣疏 東里衛集

固不知重迪德然率遽起遽什忽馬如浮雲飛鳥之過 俟屬鑛既刻之銘曰 之壽及子若孫皆未可涯余既述其行之縣又銘其藏 坦坦如一日謂非人之所自致乎迪德娶宋氏先卒子 有自誌超哉達人干載一致 盈則有虧榮則有悴芒芒天壤其歌非寄陶有自輓杜 目若迪德蒼顔皓首既壽而康履貞居安自少壯至老 タシモノ イディ 題女四其一嫁國子學録深樂餘皆歸士族迪德 老三十七

宣德元年朝廷以蘇松常鎮嘉湖諸郡姦吏土豪肆為 欠己り巨と言 政葉春巡歴訪察務去惡以寧善後又益以錦衣衛指 **畎畝問間成有生氣時事之裁制一董於胡然在葉之** 者以立上之澤下流下之隱上達數郡之內氛翳廓清 揮任啟監察御史賴瑛縣等奉命所至東公推明行之 **貪虐以毒細民久而愈甚特降璽書命大理卿胡縣衆** 以果無所屈撓於是暴者以仆困者以起横者以折弱 葉侍郎墓誌銘 東里續集

命太醫視療久未瘳奏乞歸從之後竟不起八年六月 嘉之數人者皆進官春進刑部右侍郎歲中得風疾上 鄉邦知之素明而行之無私葉盖有助馬竣事還奏上 諱祥幼喪父母鞠於表兄葉某遂冒葉氏景陽幼警敏 十八日也春字景場世家嘉興之海鹽其先本林氏考 初禮部尚書李志剛知其通練能謹薦於朝權主客清 知學有才識洪武中舉自邑吏歷事吏部者六年永樂 吏司主事階承事郎以勤敏周密為上官所重三年陞

金少四屋有書

舊職三考以績最陞两淮都轉鹽運使嚴餘丁外艱服 次七の車を与 子男三長懋次林次森女一適明孫男七觀門界塘珠 嘉興八郡訪民利害而建革之嚴餘歸今上嗣位景賜 関改福建布政司右泰政仁廟嗣位来朝遂與廣西右 本部郎中階奉議大夫進奉政大夫丁內艱去服變仍 復請蘇常諸郡者再中改四川布政司右祭政未行又 布政使周幹同被璽書巡視應天鎮江蘇常湖松杭州 二年而拜侍郎之命又二年而卒春秋六十有四娶吳 東里續集

銘曰 翰林庶古士趙智来拜乞阙 白与中国人 仕歴中 王衛其葬在邑之大易鄉平湖 来世有考視刻辭 行於鄉邦公弗私登貳六官荷眷知六十考終樂全歸 初諱嗣宗蘇之嘉定人永樂三年詔郡縣舉楷書 宣郎中墓誌銘 外才際時和厚靖恵敦執持恭勤劫恐勵職司 辭而不獲乃叙而銘之

妻譚封繼室范皆孺人宣徳元年尾從東征還進吏部 其職賜粉命贈其考子朝中書舎人处唐孺人贈其故 被各入翰林遂授中書舍人又簡文淵閣專書內制二 左右任之事深得其助益禮遇日厚交肚九年始歸復 黄公總交阯布政司按察司一見彦初知其才良寅諸 士蘇舉彦初既至奉命從中書舎人書語勃無幾簡從 十二年尾從北在既還丁祖母憂洪熙元年驛召至復 事翰林諸學士皆重之歲餘坐累謫交阯時尚書東莱

**東定四車全書** 

東里墳集

歲祖均德及父母俱喪鞠於祖母葛稍長日悲念父母 宜人乃進其故妻繼室皆宜人六年夏彦初得疾醫樂 驗封員外郎食其禄仍從事文淵閣三十五年皆扈從 久不効是年十月十三日卒享年五十有二彦初甫三 本司郎中禄秩仍從事文淵閣賜誥命進其考郎中此 巡邊两朝實録成以繕寫勞賜襲衣文綺表裏白金進 自勵駸駸有進益且卓然有立志鄉老長皆奇之謂宣 不絕而事祖母甚孝祖母躬勤繼紅資其學彦初亦克

:可以知其人矣子男三謙益泰皆幼女四黄暄陳述侯 次定四車全書· 東里城集 故其病也卿大夫之賢者屢造視之及不起咸往哭吊 端重不肯茍且雖家無餘賞遇人窘急倉猝能致義助 於詞氣而請自任士論以是多之為人疏達誠實行己 有讓衆或臨事憚勞費至出語相侵彦初獨怡然不作 最久恭慎小心克勤旦暮未當以私廢公處同列温而 氏有後言於色大夫舉為區長非其志也固辭會楷書 命下郡守曰莫踰宣彦初矣遂送詣京師彦初在翰林

家素貧愈都御史吳君敏徳既經紀喪事禮部尚書胡 宣德九年二月二十九日刑部右侍郎段君卒於南京 鄉其友黃養正具事狀求為墓銘彦初余所心愛重者 為之銘曰 和而莊坦而慈處事平執事恪履險夷一恬漠嗟彦初 寬其壻也一尚幼其卒之明年某月陳述奉喪歸葬於 きょうしし ノニ 故嘉議大夫刑部右侍郎段君墓誌銘 卷三十七

營田郎中寫修徒吳中父志清又從常州之武進母葉 陳君光世狀段之先居南康之建昌世業儒其曾祖嗣 仁人君子也又士奇素所交游士奇宜銘按國子司業 人北京需葬銘而胡公以屬士奇嗚呼段君者世所謂 公源潔以聞上為悼歎賜祭命有司管葬於是吳君使 次定四車全書 庶吉士時太宗皇帝命禮部翰林院准天經之數選曾 子為意教之故徳器蚤成登水樂甲申進士第為翰林 氏君諱民字時舉自幼温重領敏喜學且其父母惟一 東里續集

金少口五人 給大官與又月給膏火之資盖期之於大用而君與馬 祭等二十八人就文淵閣盡出中秘書使進其業旦暮 内親去服関除刑部山東清吏司主事授承直郎益官 君祗體上意益勵弗懈而文學大進與脩永樂大典丁 廉慎而明敏克勤恒存哀矜惻怛之心處疑獄必歸於 精獄議尤為尚書所重凡大獄公咨君剖奏章必歷君 五經及性理大全書書成被重賜復還刑部陞郎中益 厚麗辟者成以得君為幸喻年扈從赴北京名脩四書

関乃上在刑部八年山東妖婦唐賽兒作亂三司官以 縱寇誅詔廷臣簡代者共推舉君數人授君山東布政 司恭政同舉中有畏難者君曰竭誠以共吾職耳何足 計利害哉下車數宣德意整的紀綱級撫殘氓到革宿 弊政理一新吏民悅戴居三年召同考禮部會試士論 服其衡鑑又三年召赴關命以本官署户部右侍郎之 南京是時車駕在北京久南京諸司習於玩喝任錢穀 刑名者其務叢胜尤號不治君至躬勤率之莫敢或違 東里續集

郎祖处李淑人封其母太淑人妻盛淑人初為泰政考 始若杆格已而服從咸脩其職明年實授本部右侍郎 賜誥授嘉議大夫贈其祖若考皆嘉議大夫刑部右侍 满當得語言於朝願推以封母從之至是母年將九十 又明年改刑部其振起作新! 事左右謂未可以風曰數百人困坐獄中翹跂待我奈 得封者再人皆榮之君忽得寒疾數日小瘥矣將出視 相慶於獄伸抑疏滯旬浹之間聲譽用彰三年以績最 一如户部罪人聞君至皆

上りにユ

次定四車全書 其子男四是宏安寧孫男二城璣女三其葬以卒之歲 能報上恩矣如老母何言已遂卒君性至孝初為庶古 哭北京自師傅六卿以下咸寫莫祭君春秋五十有九 卒之日其官屬臨哭皆哀南京卿大夫之賢者皆走吊 士得禄即迎父母就養京師父沒後所歷官未當不奉 形聲色當官任事惟義所在不茍遜避與人交久而信 何可自供我强出三日疾復作遂亟有問之者答曰不 母以行而曲盡愛敬襟宇清明坦夷表裏一致喜怒不

東里續集

禮部儀制郎中雕叙卒於官其子珙將奉極歸葬吉水 友 某月某日附武進先坐之次銘曰 以中書舎人宋懷所述事狀之著墓誌銘余今年七十 古多有嗚呼時舉於今曷少亦既來時曷不永年明 仁以及民義以行身其履坦坦其存温温我懷若人 エジレス ノニ 斯而獨其親凡今之人 故奉議大夫禮部儀制郎中雁君墓誌銘 卷三十七 君子與 人 賢

次至四事全十二 也祖弱翁龍泉縣尹父文芳好學務義母劉有賢徳叔 舉義勤王又三世至希凱為南雄路沙鎮巡檢叙曾祖 仁壽鄉傳其後資産日裕六世至季安傾家從文丞相 辭魔之先家衣之分宜十一世祖稱雲軒者始徙吉水 有五益倦文事然念雕氏父子皆從余翰林久不忍以 於內閣而出禁中古法書名蹟俾進其能明叙與馬時 字明叙圣喪父賴母長育少從明師學永樂初詔郡縣 舉善書士隷两制書制物簡其尤者十數人從學士 東里續集

太丁内親服闋仍 職洪熙初賜誥命進徵仕郎贈其父中書舎人封母太 稍服輒自進弗解成嚴嚴有造詰矣先是明叔父常傅 朝廷四方之務方殷命令多以璽書十數人者雖鮮 南京索明叙所習書覽之嘉獎命削兵籍十年除中書 舎人授從仕郎自是車駕巡狩皆與扈從三考奏家復 兵籍既卒無他丁男有司言明叙應充伍時仁廟監國 人賜誥及鈔歸省兩朝實録成以繕寫勞賜銀鈔襲 W. 考奏最陞儀制清吏司郎

岸口未當及人過失其度能容有誣其過及加之屬辭 たとり事ととう 咏為樂所為詩有淇園豪其生洪武丁已三月二日其 扶持之朋友有急必赴恤僮奴如子公退時共賓客觞 無問言云家居事親孝親沒哀慕不衰睦族媧患難率 色者怡然受之不校以是先生長者及其同官皆重之 寫勞賜銀幣加四品禄始專職儀制司八閱月而卒自 中授奉議大夫食其禄仍從事內閣宣廟實録成以繕 入館閣以来三十餘年敬慎如一日純厚謙和不見崖 東里續集 古四

之金人入寇從河南歸德之穀熟至元有曰慶甫好施 在シロアと言 若干朋叔之葬以卒之明年某月日墓在某原銘日 子同朝縉紳祭之次獄次英女二長適黃次適周孫男 封孺人子男四長場次珙亦以善書授試中書舎人父 卒正統戊午十二月二十八日享年六十有二娶黄氏 衛世家河東系出漢御史大夫館歷晉唐及宋仕籍不 弗鹏以角弗巧以琢而任其樸噫嘻其樂 衛孟敬墓誌銘

施子有乃祖之風馬永樂壬寅五月得疾獨日名諸子 次で四車全世ョ 竟而終是月五日也專年五十有八娶畢氏子男六鎮 申論傳陸之道又遺訓長子之在官者以必盡臣節言 姻鄉邮舉無違禮以行義訓子孫以勤儉致饒裕而好 予生伯升現璋有材畧以軍功積官至萬户孟敬之大 司諫女六祖崇郭亮武盛劉正高林其壻也其一在室 飲祥清鏞鐸鎮中鄉武為大名縣學訓導今陞左春坊 父父也孟敬諱整為人敦愿内而事親敬長外而處成 東里續集

銘曰 端其存厚其施以全其歸以昌其世 195711 孫男四俊人聰敏女二諸子以卒之歲某月某日奉 處士姓陳氏諱霖字士悅陳氏其先居金陵五代之 大理評事諱暉者始居泰和世紫儒至宋而仕官科第 其鄉南原先壠之次先事鎮以翰林編脩徐永達所 7請銘余於鎮有同寮之誼不得辭為叙而銘之 陳處士墓誌銘 巻三十七 際

**灰定四車全** 寧縣主簿父已老二弟皆幼而處士始弱冠凡公府徭 先生所重駸駸有造請矣無幾士瞻舉進士去後為興 甚盛彬及從子午皆理宗朝進士彬官至提點刑獄午 先生當教授其鄉處士與其兄士瞻從之學兄弟皆為 其仲處士也為人端厚和易自少喜學問安成劉雲章 安遠縣學教諭父與章母曾氏繼蕭氏處士兄弟四人 其居第至今鄉里跨道為榮處士五世祖也祖存道元 國子監簿監簿文丞相進士時座主後公過泰和為新 東里續集

當其父之意平居孝事父母及其繼母友於兄弟愛弟 賦及家之祭祀賓客寒暑朝夕所出皆治于處士而皆 者及弟士故子禮先後登第士啟自禮部郎中陛山東 禮而嫁之行以擇義鄉人服其公有爭訟率往求直而 劉氏妹夫婦皆沒遺二女皆鞠於處士既長為擇壻備 **祭政禮為思南知府人皆為陳氏祭而處士意澹然入** 樂於恬靜當湖省兄至興寧留旬日而去縣人莫有知 與子一督之學士膽當坐該遠外嫂都早沒遺三女及

いこの車全書 二月二十四日葬在山槎鄉魏鳩岡先坐之側而未有 許嫁郭暉孫男一肇女四處士之葬也以卒之又明年 次作為士啟後次初女三長嫁羅以智次嫁蕭德莊次 年六十有三娶戴氏故儒家有婦徳先卒繼曾氏子男 自號稱悅嚴居士云永樂丙申十一月二十四日卒專 舉無以易此樂也晚喜寫墨竹日為之不厭人因其所 則與士膽相怡愉出則陷其趣於山水之間蓋其自視 五長禮今為臨安知府次禧舉鄉貢為辰州府學訓導 · 東里續集

監察御史南城左端永樂癸卯三月二十六日喪其至 銘先宜人處士族姑余其外弟也於是禮以翰林脩撰 挹清優游怡愉白髮歸全其藏有墳春秋雨露来来子 彼避陬孝士于行匪于顯幽喬喬珠林爰託我居楨芳 焜焜其先駢榮累芬濟濟其承繩武續聞嗟士悅甫潛 曾鶴龄所述事狀屬余銘銘曰 左處士墓誌銘

イジモフ

たらりられたか 城元季秩麻源三谷至處士又徙郡城之西曽祖諱欣 後天資明敏自少喜學問不煩程督於經史諸書過目 氏處士諱謙字彦彰從父進士友信無子以父命為之 祖諱明叔元國公府從事父諱彬卿平樂州學正母軍 部員外郎吾郡周恂如求銘其墓按狀左氏世家时南 **處士公奉中書舎人同邑章文船所述處士行狀介刑** 事其父母及所後父母一於孝所後母鄭氏久病氣絕 朝能記誦不忘長益博通百家 貫穿古今遠有造詣而 東里續集

於義舉未皆與人較曲直而鄉人有持曲直不能平必 良毀而葬祭以禮友於兄弟慎擇交友而敬久不衰急 於事親端登第婦省諭之日由祖宗積累致汝有今日 巴三日獨胸次微温衆環視不見生意欲舉飲處士不 如或一毫於國事不能盡忠恭爾祖矣其終勉之平居 就而質之守令數薦起之皆以親老辭然教其子必在 可力求醫療竟甦母恒言微孝子吾死久矣父母沒皆 由儒者之道釋老巫覡之流未當及門恒不忘三谷

金少正是名言

左氏所出自齊公族丘明素臣郢港聖門名漢者雄晉 歲某月日其墓在邑某鄉某原銘曰 宗興宗述宗輝宗女二曾孫男一愈處士之葬以卒之 年進士任浙江道監察御史孫男七紹宗益宗顯宗超 山水之勝自號三谷居士春秋八十有六而卒娶劉氏 曰太冲在唐曰震代有耀宗厥来徙肝益蕃以昌累善 繼周氏俱有賢行先卒子男四英歌傑端端永樂十六

友正司 三十二

|積仁顯開鄉邦學士繩繩速彦彰甫欽厥攸行静言幽

東里續集

**處卷而弗施以遺厥後惟彦彰甫沒且弗朽** 胡處士墓誌銘

永樂十八年十月二十日豐城處士胡宗仁卒享年六

成都有諱諒者唐貞元中與韓愈歐陽詹同登第其長 十有三將以明年某月日葬其邑某鄉某原胡之先出 遂為豐城人至諱叔恭諱孟寅處士大父父也孟寅六 子讓魚判撫州因家崇仁讓次子寂又徒豐城之厚郭

**读定四車全書 軾軾先卒女三徐仲殷李大猷周某其壻也孫男四鍾** 詩禮為傳家之器其善人者與娶鄒氏子男四幹輗斬 友之行於處族朔朋友能盡其道以仁恕為行己之本 知之别有如助教君所述者乎銘曰 較奔計將歸齊國子助教徐轉所狀處士世出行實介 司諫曹曼龄請銘其墓余雖前未識處士觀其子可以 事水檗之操有聞縉紳問知者以為處士之教也於是 鑑鐸剑女三軫永樂乙未進士授兵部車駕清吏司主 東里續集 Ŧ

厥嗣兮 組仁好善而蹈義兮栖遲丘園樂洩洩兮式光大之德

楊宗榮墓誌銘

**處州之松陽楊宗榮年七十卒既葬矣後三十有三年** 

其孫巨容以某官某所述世出行義介前國子典簿葉

允元請銘其墓按楊氏系出漢太尉其後子孫益衆散

徙江淮閩浙間至宋有諱某者為金華主簿其子信為


衢州教授始来居松陽歷若干世至安道宗祭父也母

**敬定四車全書** 銘曰 力善而施弗達以試澹乎以愉尚厥志後有考之此其 晚好黄老清静之道幅中逍遥泉石之間有以自得卒 葉氏宗榮自幼喜讀書為詩家居敦孝友處宗戚鄉邮 男四巨容巨信久章久祥巨容令為長葛知縣孫女二 恒報有餘脈匱乏及葬其死之無歸者攻醫有疾率濟 以洪武已已五月十三日娶業氏子男二景和人傑孫 之善樂九以該直為鄉人所服縣當舉者老資以集事 東里衛集 Ī

洪之先居番易系出宋贈太師魏國忠宣公皓皓之孫 所交多名賢石塘胡先生當賦其所居延桂楼趙文敏 寧所述世系事行介前國子監典簿葉允源来求墓銘 青田洪斌夫既卒而葬矣其孫廷信奉禮部郎中禁仕 世祖也髙祖東拓元閩海翼上干户曾祖疇脩德樂善 日純為曹屬于括始自番徙括居青田之鴈衛斌夫八 洪斌夫墓誌銘

考宗江俱畜徳不任如張氏斌夫諱某字尹武斌夫其 識不識斌夫讀書通古今有材界元季尚少郡辟司倉 族人處鄉人皆得其意捐對以服貧乏無告者不問於 別字也儀觀偉然事親能孝生養死祭一致其誠於睦 というないないから 仕斌夫留家居治田園新居室名其藏息之軒曰清逸 **帥數稱其才已而免歸皇明既混一海宇則命其弟出** 公甞記其所創太清宮白雲養而皆文敏所書云祖銓 不屑就天兵下處州總帥聞其名名主給饟井井不紊 東里續集

不好好吃人人 賦屬長萬石區率先集事而尤以公平而民悅服雖 之間雖曠馬無所係于其心而謹循憲度不少縱以田 樂既老葛中黎杖攜朋徒及其諸孫日徜徉山林泉石 儒生君子與之游者多為之賦客至焚香鳴琴觞詠為 訪川吳岡之原其配葉氏其子某某某其孫三庭信庭 仕而所以刑於家施於鄉者人未當不以仕望之也其 質庭翰其曾孫男二克鎮克 趣女一銘曰 卒以洪武已夘十月二十五日其壽七十有七其葬在



金安口西台灣 東里續集卷三十七 卷三十七

**欽定四庫全書** 東里續集卷三十八 墓誌銘 朋 楊士奇 撰

宣徳七年十月十五日禮部左侍郎致仕李公卒 禮部左侍郎李公墓誌銘

安定四車全書 !! 苗君東所述事狀来拜請銘禮部尚書毗陵胡公申為 月某日葬甚縣某鄉某原其孤栗以治命奉翰林侍讀 **計聞上遣官賜祭師傅六卿而下皆往吊祭卜明年某** 東里灣集

注釋雖老不忘已而念家貧親老丐罷歸侍養為師者 長縣大夫選邑學弟子員前大學士董公倫時為學教 允堅天資凝重不妄言笑自幼卓卓有立志事親孝稍 李之先居平陽之臨汾大父諱仲智父諱師魯元季隨 之言予與李公同事三聖凡三十年乃按狀序而銘之 諭公從受業旦暮自策勵所授書率誦讀數百過四書 兄布賢官游燕都遂占籍究平縣而公生馬公諱嘉字 初惜其去遂獻詩達意其辭懇切師憫而從之後選奉

钦定四軍全書 寺序班數月上親握為通政司恭議且面諭之曰以爾 無所依者公避舎以處之且食之栗民母子得全於急 起北平預效守城勞時南兵逼城城外民有負母入城 當不流涕而養母愛敬兼盡初世父希賢死於兵無子 義率類此內難平錄守城功召至南京有司奏授鴻廬 倉猝養並公念及軟悲竟卜吉壤備禮而<u>葬馬</u>丈皇帝 無幾丁父憂哀毀動人終喪不飲酒食肉覽父手澤木 祠所禮生事太宗文皇帝於藩邸敬恭祀事恒致其誠 東里灣集

賜棺及驛舟歸其喪服闋仍前職遂扈從北狩自是巡 役於河南彈其智慮風夜不懈後喪母衰毀如喪父路 改北京行部侍郎念其老不堪繁務又改禮部侍郎公 政遂陸通政使又坐累左遷未行上嗣大統復通政使 狩皆預扈從後坐累左遷鴻臚寺丞仁廟御極胜左通 躬迎母就禄養從之既至時初建北京奉命董運木之 該實故推真要地必勤必慎母恭朕命公益盡心乃職 日奏事畢自陳臣有老母在鄉里無他兄弟侍側願 老三十八

芥不苟取予剛方嚴毅人不得干以私其任職細務必 粉疫諭命致仕又數日不起享年七十公持身端謹 親故所歷寡合終不為變治家整肅教子孫必務學而 雖精力日東猶勉强事事未當少問再歲以疾聞特賜 大臣の事ない 問服道說國初以来北京名賢故老流風餘韻娓娓不 自將住佐郎積至通議大夫以公貴再追封二代大父 窮聽者忌倦盖自是能知而言者亦鮮矣其歷任散官 父皆金通議大夫禮部左侍郎大母吳母榮皆淑人追 東里續集

嗚呼李公有孝有守遭逢龍與陟帝左右剛毅之資自 封故妻祭封繼室趙皆淑人子男四栗直剛簡女二孫 男四震議泰異銘曰 銘其藏永示後来 明全章龍文奉物歸第象笏朱衣里問迓拜從容優将 三十始終一致白髮蒼顏鞠躬竭誠三聖在上天鑒孔 信弗疑顓顓以持莫之或移納言之司宗伯之貳歷年 以壽考終綸音及門寵光隆隆嗚呼李公生死榮哀勒

金与口人人

之銘以授其弟如損使歸葬馬屬隣舎夜災延鰻如川 からとりませんはい 之災造物者於如川何如也世之不為如川者或至於 其友曾與賢為治喪飲已楊士奇將述其平生為墓中 舎及棺如塌拾其遺骨而歸嗚呼如川何以得此哉其 永樂四年三月庚戌翰林庶吉士湯流如川及于京師 期頤即不至亦不見其身後如此者造物者之意何如 平生所為宜壽宜備諸福乃四十以卒而又遭遇身後 翰林庶吉士湯如川墓誌銘 東里鄉集

哉如川世家泰和之甘溪曾祖某祖某父均義母李氏 給事中會與 明年登第賜進士出身闕 如川温雅易直事父母及撫諸弟皆能悅其意處朋友 必引之於道臨事務當大體永樂癸未以詩經領鄉薦 而學益進明年季弟如箎来省得疾卒如川哭之數日 於古人如川在馬如川懼無以稱上意蚤夜勉勉不息 敏者得二十八人盡出衆秘書俾進學於文淵閣期之 新儒術將有關風勵天下乃擇進士英 卷三十八 開其材行請於關

五分豆匠人

たこの事会書 某某女二余生先如川一年交之最厚而最深也来京 無恙而連哭二子此宜何如其情也娶某氏子男三某 **德無有者矣將用某月日葬某山某原時二親皆垂白** 乃忍哀而銘之銘曰 師相聚甫在歲方資之為輔豈謂一旦逐失吾益友哉 明公可以持法執守可以勵俗通練可以集事可謂才 亦得疾以卒朝之士君子聞其卒皆相與悼數以為不 可復得嗚呼如川者真不可復得哉其仁厚可以長民 東里續集 £

五代有諱暉者始由金陵来徙至孟京凡若干世自宋 為器之咸宜而動也時弗達于施而止於斯而止於斯 庶吉士七年五月二十三日卒於官陳故泰和簪纓家 孟京諱昌姓陳氏以字行登永樂四年進士第授翰林 又孰為之災孰之攸司曷其測知我銘于兹以舒我思 金少正とと言 建炎中有諱千齡者始登進士第至孟京凡十有四人 以慰其父母之悲 陳孟京墓誌銘

其他選鄉重舉明經才行不可勝數載那縣志與其家 **敬定四車全書** 京與從兄孟潔皆賜進士出身皆授此官陳氏兄弟之 年會試禮部中前列廷試在第二甲初族兄士啟永樂 弱冠稍出教授愈自刻勵口誦手録窮晝夜不廢一時 其母手一卷未當釋也遇明儒碩師朝校所業往請益 乗甚悉孟京少孤貧苦嗜學旦暮自任負以養其祖與 朋齊强記多識者不能及也永樂元年中江西鄉武四 二年試中第二甲賜進士出身授翰林庶吉士至是孟 東里墳集

此亦可以觀其志矣卒時年三十有六曽祖主一妣倪 儒多讓之性孝友家素貧幸任得禄而薄甘肯未當方 京與編校晨入晚出未當以私麼其博達明審老師宿 盛人以為祭時朝廷廣名文學之士纂脩永樂大典孟 其母甚樂也愛其弟恒約己以裕之卒之時家徒四聲 氏祖以静妣曾氏考孔武母蕭氏娶劉子男二中九歲 視兩兜不可令斷絕讀書種子耳不一言及他事嗚呼 顧其妻曰死生常道勿戚戚身後事其在諸兄汝惟善

タジレス イマ

生大聚為墓銘使歸葬高銘曰 與其妻子先宜人以靜先生之子余其外兄故為述平 元斗七歲女一既卒士啟孟潔為治棺殮買舟還其喪 · 於主四車全書 華嚴有豁達賢智之士曰趙進誠自少慷慨抱氣節明 止於斯行邁崎嶇而難平夷嗟乎孟京匪命之惟 力學植丹屢空弗知始達而暢曽不幾時嗟乎孟京逐 經博學通當世之務當欲有所施見於時屬元季政亂 趙進誠墓誌銘 東里續集

治然有顧仕之志真一得發施其所負畜然遂疾作不 台諸郡是時蟻附之徒率皆氣焰灼灼猝起旦夕間進 效乎即奉親走匿山澤不與世接也聞太祖皇帝定則 該獨曰是何異趨膏火以自得者吾行見其斃其又可 自此大定矣國家既平定方氏浙水東之地悉歸職方 金陵發兵吊伐于四方忻然舉手加額日聖人出天下 及行而卒洪武辛亥某月日也年四十有九進誠諱友

不可有為遂括棗不出日以養親為樂方國珍竊據温

金ジロルノニ

某者其曾祖也祖諱某考諱居敬姚某氏進誠顏悟過 大足り事人を自 事不肯苟且遷就徇人終其身不能一日如志以見諸 該其先宋南渡時迪功郎諱某始自汴徙黃嚴後至諱 子始克奉葬於縣嚴山之陽又十有九年為永樂九年 季桓女一適盧仲茂孫男七人進誠卒後二十一年諸 季門今自福寧縣學教諭陞國子監典籍方嚮用於時 人少喜為文章平居事親睦族姻脈貧乏皆以為分內 用非其命也夫娶黄氏子男五季寧季李季達皆蚤卒 東里續集

年其女弟之夫羅仲深繼登第與與對同官同舎瑜年 與賢卒又明年仲深女兄之子曾用常亦舉進士来京 者為之銘曰 金グロアノラ 士懷壁兮靡玷缺庶薦于時兮命遽閼銘以昭之兮永 **余友曾與賢登永樂甲申進士第為翰林庶吉士又二** 李冉奉狀来求文銘墓余考其志行及其時命有可悲 羅仲深墓誌銘

次正四車全書 人 獨孤樂善曾與賢余學變蕭省身王直歐陽俊暨余姪 申至丙戌兩科盖又盛馬甲申升者九人陳士啟湯流 悼惜之國家設科以来得士之盛江以西稱吾邑而甲 世既出矣而皆不及下壽少試其所藴蓋士君子無不 用常偽爽端確皆吾邑之秀也幸以經術遭逢聖明之 之數日亦不起矣悲夫與賢傳厚易直仲深温潤簡静 師居止依舅氏未幾用常又卒仲深連經紀兩喪於客 外傷其中情鬱抑無聊日益病猶强出事事後用常卒 東里續集

幾流卒與賢又卒丙戌之四人者又連卒雅家居則又 與纂備之事吾邑斯文之盛盖四方士之所慕艷而未 卒後丙戌而升者用常及王銨梁輈陳賞王嗣先五 三子者而已也關人之先後卒者或余之親或久要而 未廷對用常又卒於是四方士為吾邑斯文悼數不獨 胡雅雅既第而歸兩科十三人者皆為庶吉士在翰林 相丙戌升者五人曽春齡陳孟潔及其弟孟京羅仲深 仲深又與余同里卷至是其兄浦城典史仲固来京師

白タロアと言

益刻苦學問當其時鄉老碩師皆已發無在者學者疑 也仲深自幼為主簿公所愛當曰此兒必與吾宗未弱 為事狀余不能辭也雖故西昌望族祖某考尚文洪武 告余曰將歸葬吾弟必得子銘出示翰林脩誤王直所 次定四車全 有得久而沛然而號仲深前輩者多自以為不如往往 壬子鄉貢進士歷主臨阜仙遊兩縣簿二子仲固仲深 不能通無所質問仲深獨守傳註古說熟讀深味日益 冠喪父家貧出教里中童家取東脩以佐其兄養母而 東里衛集

荆山之璞兮出孔多無幾屢毀兮嗟乎奈何嗚呼仲深 吉士侑永樂大典仲深沉潛朋敏寅出酉入不肯斯須 試明年會試禮部中高等廷對賜進士出身授翰林庶 兮温且良宜服用佩兮鳎珩璜已者何遽兮存者徒傷 年某月某日葬某原從先兆也子男某某銘曰 即仲深求正是否永樂乙酉以邑學弟子員中江西鄉 廢公同列者皆推讓之其卒以永樂某年某月某日某 梁監丞墓誌銘

白シロノンマ

永樂十一年六月一日國子監及梁里許以仁卒仲子 縣學以仁在選中授吉安府教授後丁外親起服改國 舉鄉貢明年會試下第充太學生有語選太學生教郡 考某以仁自幼聰顏好學稍長選為州學生洪武庚午 歷官行事介監察御史胡縣来乞銘以仁當典教吾郡 澤將奉其極歸葬欽州以國子博士鄒纫享所狀世次 又聞澤致孝於親惨惨也不忍固辭按梁欽者姓祖某 欠とり事と言う 子學正秩滿陞監丞會祭酒被召在翰林司業闕以仁 東里續集

受命署監事永樂十年也以仁自為校官旦暮出所為 於為己沾一命志滿氣盈豈復有意自進而求能致禮 時年四十有五娶潘先卒繼段子男三津澤浩女一 侍坐請益必避席子夏曰仕而優則學後世學者不在 為諸生講說服即自學不懈在吉安訓導謝子方先生 質直夷曠與物無競不察察為明然嗜酒坐是致疾卒 於所當下者加數也於是以仁有不同於流俗者馬性 以仁鄉試時座主也雖同官然執弟子禮甚恭私會必

金少口屋人言

寧越之區合浦之濱孔雀明珠異産之殷嗚呼以仁和 大きり事をき 就禄養閱四年美一日公坐庭中賭過鴈湖 厚秀文繇郡博士爰登成均亨衢翱翔祭澤津津如何 以某年某月某日葬州之某原銘日 吉水蕭岐縣新化知縣陸寶慶知府迎致其父處士公 道奄仆其輪氣升魄歸水妥於此我銘昭之亦慰其 蕭處士墓誌銘 東里續集 せ 三 吾

類是矣其將死乎明日得疾旬有六日卒永樂癸巳二 将死乎畴告之夜夢人緇衣而長身四閥 在ダロアノニー 幼魁偉秀明務學强識光長奇之既冠力進不懈屬元 求余為銘按蕭故永暘名族自文仲徒吉水四世至德 飛鴻而顧余言曰鴻乎鴻乎殆其俱旋歸乎今吾所睹 永徳永生雲峯公考也公諱思桑字徳剛別字槎養自 月乙亥也將以明年某月某日歸葬其鄉槎渓之原岐 季寇盗四起所在恣劫殺富家巨室各務出計桿敵自 指雲中

其民心要本於公之教矣事年七十有九娶毛氏子男 窮故至此奈何困人於窮也其人聞之愧悔卒改行馬 戚有思意皆有夜偷入室家人覺將追之公止之日彼 或以憾吾世襲忠厚事文墨何憾且何所利不聽奉其 親率其妻孥往畊槎溪之濱十餘年宠禍卒不及天下 固所知有以是勉公者公曰彼其所加暴焉者或以利 平居謹言行老益自重雖不試然岐於為邑為郡皆得 既定惟事教子弟子弟有力學傳行者厚獎以勸處宗

次足口草公島

東里雙集

角写电压と言 五崇岐昇武智崇昇武皆先卒女三適士族孫男九曾 孫男二銘曰 仁山崔崔文水瀰瀰代生文人尉乎有煒嗟惟槎淹括 宜之自公啟之既壽考終閱于斯原慶澤綿綿被其後 囊韜光棲迹丘園逍遥相羊公才有為公內 彦思諱塔姓郭氏其家世見余所誤登州府學教授墓 郭彦思墓誌銘 卷三十八 伊民

誌登州與其弟湖州府經歷廣宜皆以經學治行知名· 當世彦思登州之從子而湖州家子也母車氏彦思居 愛及愛其兄弟之子皆如彦思之心彦思淳實坦夷與 家事親孝愛諸弟如愛己之身恒情所苦者惟恐一毫 樂某年某月某日以疾卒享年若干娶賴氏繼歐陽氏 至然皆出乎其性非有所勉强矯拂至于今其諸弟相 人交表裏洞達治家不求有餘為文章取達意而止永 及之如恒情所喜則惟恐不之及也維持引異靡或不 東里續集

考皆與登州湖州兩先生厚善士奇少壯時又交彦思 張氏子男一公獻女二張孟賢張橦其壻也士奇先祖 無幾彦思亦卒余皆哭之慟彦常之葬也余銘之彦思 皆出仕惟彦思彦常家食懊悔自足也無幾彦常卒又 累覿有終夕坐對氣合而情得也其後考益考遷及余 相講學未甞倦也即倦稍縱為設謔或弈以嬉有一日 及其弟彦鼓彦遷從弟彦常相距老南北有服輒相就 既殁時彦銨彦遷皆守官在外故葬緩今彦遷自瓊州

言未既哽塞涕下不已余不忍聞踰月彦鼓典教在吳 端可為世勘者銘之他可類見也銘曰 氏之兄弟何其篤相愛如此哉世之人其歌無兄弟乎 興聞其弟来京師寓書首說緩葬罪在我群益悲苦郭 府推官考績来京師與余言吾兄久未復土遷之不悌 於是彦遷得復職赴瓊將便道價所願也謂余曰卜以 とこの声から | 嗚呼彦思熟不為兄子謂吾弟同氣之生嗚呼彦思孰 某年某月某日葬吾兄某鄉某原子宜為銘余掇其 東里續集

金牙四尾石章 而 亦不肯苟且徇物與人交澹然而久益見親可謂端厚 無弟者有惟愛兄殁不遺墮君子之行如穀異器聚 至弘道工隸楷其為人恂恂温慎寡言未常揚己抑, 寫且給楮筆傳服益自進其能時永嘉徐弘道以舉徵 水樂甲申記近臣舉士之能書者就翰林給原禄職繕 以甞百器一味鬱鬱新阡我作銘詞嗚呼彦思逝其遠 徐弘道墓誌銘

氏子男一人恭女一人歸金寧於是称寧將歸其喪葬 樂甲午河南布政司聘考鄉武以疾不赴明年八月九 中應天府鄉試遂擢親王府紀善未幾改廣西道監察 祖源晉陵縣丞祖益惠安縣典史考士良此陳氏娶金 御史歲餘罷罷今二十餘年縉紳問猶稱其清慎云永 某鄉某原介黃卓陳 茂来請銘余與弘道處久矣為 次とり事をよう 日卒於京師享年五十有九弘道諱定其世家永嘉曾 東里特集 大

君子者矣弘道自幼力學明書經洪武庚午以太學生

之銘曰 潛仲卒廖出周文王子伯廖之後五季之際縣金陵徙 資感兮行侑泊而安兮不競與綠嗟乎已矣兮悶斯丘 金いりでしている 寄先生者潛仲祖也父叔章母王氏生二子龍鷹龍潛 泰和世襲儒業洪武初為泰和縣學教諭曰子謙稱愚 仲也潛仲幼喪父教育於其祖祖卒潛仲未弱冠也卓 永樂十六年七月二十四日桂東縣儒學訓導泰和廖 故桂東縣儒學訓導廖潛仲墓誌銘

際善談論間暇於鄉人朋友飲酒縱弈嬉問出片語相 觀偉然面白哲如玉疏髯秀眉雍容凝重人不得窺其 **改定四事全書** 所操執者未甞假借也永樂元年充貢為太學生各試 調語賴何一座以是無少長賤貴皆樂親之然其中 說躡故跡者四書經義論策多至千篇同單莫及也儀 然有立志出就學縣博士日自策勵讀書為文不襲成 文 淵閣除鳳陽蒙城縣教諭後丁內艱服関改雷州海 康縣學教諭兩縣學教皆久弛潛仲力作新之初至蒙 東里衛集

**黃之旦猶**嗣 城五年来海康四年則通三考滿矣雖其學者多有成 白ダロル 敬其姑如袁之存也終身不衰潛仲自少壯負理才使 女然後斥其餘界潛仲族姻不能平潛仲獨無一言孝 利廢義繼祖母表一女鐘愛祖有遺質産來率簡界其 州桂東縣學訓導在桂東期年盡力職務雖疾不廢易 中科選者皆選於潛仲去職之日例不得書績遂降郴 事表終其身來卒或教質於官以復其産者終不聽而 升堂見諸生盖年五十而卒潛仲不以

**敬定型車全書** 則無愧 受一郡一邑而為之可以得民惜乎其未見試也娶譚 事狀請為銘銘日 女二長嫁鄧時亮次嫁鄉貢進士劉組孫男三丁謨將 氏有婦道子男二丌謨謨永樂癸未進士翰林庶吉士 士重者義而世以利才庶有濟而蓄未試命之不猶行 卒之歳某月某日葬于某山某原以余其父友也奉 前浙江布政司左粲政林公墓誌銘 東里墳集 4

**潯世業儒宋慶元中有諱起東者始後龍萬再世至鳳** 前浙江布政使司左恭政林公諱瑜字子潤漳之龍品 學洪武中為太學生居太學五年推五軍斷事中司稽 長皆以母老辭娶黄氏生五子其五公也自少有志於 經為南靖縣學教諭自出貲作先聖廟不以勤衆考得 人其先出晋拒遠將軍晉安郡王禄之後而居泉之龍 元季寇亂有保禦功分省承制授長泰縣簿復授百夫 公之高祖也曾祖詔承直郎龍島縣丞祖宜慶元以明

禮又六年陛右斷事公居官以忠愛為本於議獄多所 察馬實豪民索通不得擊殺之而以賄移於其姓竟坐 夫行部過賴有姪殺其伯母者獄已具公聽其辭而加 豪民而釋其姪安福有强盗數十人那縣連歲捕不獲 平反數月陞江西按察司愈事授奉議大夫陞奉政大 悉取民之富者誣以匿盜非法考掠備極楚毒富民不 RECOGNET LES AND 給事中及三司奉詔發兵捕之而不急捕盗更聽姦民 能勝傾重點乃得釋既又及平民盜以是遂逸去而平 東里續集

民不問貧富悉困矣奉的者既以罪去而公代盗悉得 金与巴正人言 接境朝廷命豐城侯總湖廣江西兵擊捕之總兵檄公 而民若不知者公和厚樂易待物以誠用法持平恕臨 招無尋從者多歸馬渠魁既得餘黨復叛公復往無之 以最陞本司副使授中順大夫流民聚長沙為寇與表 政務寬簡所至禮賢下士考閱諸生而奨勸之歷三考 遂以無事皆皆造戰衣一百萬期三月完如期而集又 從工部尚書宋公採官殿材于蜀而公分往馬湖極險

卷三十八

而善無之初自蜀歸有重獄二十餘人疑未決公立直 遠之地事集而民不病盖公於使人必酌其力體其勞 者達三百餘人遮馬首羅拜曰公厚德被我民久矣民 之又三考當去於是居江西二十餘年矣前所未有民 使司左參政浙江素繁劇時布政使以下員皆闕公至 次正の事なとう 獨任早夜躬勤不少解踰年吏舎夜火延毀公署及文 足出一履競取之公乃得關馬馳去以最陞浙江布 何以能忘公今決去不留其何以慰民之思也相挽公 東里續集

豪喜書法晚亦斥去家居有後山之勝而仕於外未當 忘也朝以自號云娶曾氏有懿行子男五人高高高赐 善誠身而達於用文群非所急也公間為詩文未皆存 言曰此立身之要也諸子日務於學則訓之曰學以明 自處泊然不加布素時平居教子當舉汪信民菜根之 書事開并建公請秋官公輒引服不自辨未奏以疾卒 森高京陽華高萬陽先公卒女一人適蘇實孫男八 水樂二十一年正月朔也公在官三十年禄入益厚而

金グロア とうし

巻三十八

久足口下全里 漳有後山孕靈毓清是生林公温裕靜貞躋華朝者職 時嶽議允直且平靡或愆盩大江之西肅肅風紀表其 間當與公往還又知其所存故不辭而為之銘曰 者如林公其可多得哉士奇江西之人也知公之所施 諸電嗚呼明辯之才機巧之智剛厲之氣非不適於世 将奉極歸葬以進士王源所述世出事行請銘將以納 冠冕弁旅纓主壁組孫女六人於是萬高京賜治魚畢 用而平實之行寬簡之度安靜之政使人稱為忠厚長 東里橋集

恭居無幾何鬱攸為咎公曰予責敢疏司寇其徳孔厚 官公之先自攜李從錢塘世畜德不仕考壽之博學有 永樂二十二年三月初六日詹事府少詹事鄒公卒於 行勒銘式視来今 其隐誰白逝者不復知者徒側故丘有藏既堅且深載 志遭元季亦晦迹不出公諱濟字汝舟蚤喪父事母以 故中順大夫詹事府少詹事鄒公墓誌銘

儀威亦篤愷悌奕奕浙藩禄位益崇丕賛承宣夙夜惟

巻三十八

金シログノ言

間府學用應者陞平度知州階奉訓大夫廉簡寬厚吏 服先生君子多重之餘杭令聘佐教縣學遂奉母徒家 孝稱天資頑敏好學强記稍長将縣库材識為同輩所 民安之丁母憂服関用翰林備課李實樂備實録官事 其講下無幾坐事自陳左遷西安府學教授未赴改河 今丞以下皆嚴敬之秩滿陞中都國子學録又陞國子 馬而毅然師道自任振起諸生皆趨於學一新學含自 一時國學之為師者皆樂與交為第子者多樂就 東里精集

資於公詔脩永樂大典以五人總裁而公預馬安南拒 十兩陞禮部儀制郎中階奉議大夫進奉政大夫時朝 **摭要并并有章書成賜紗衣一襲幣表裹各四白金五** 命詔大將軍即師征之擇朝臣有文學者往司奏記公 廷祭祀冊拜慶齊及儀物制度徵舊章恭古典盖部 簡重寬平以率那邑鎮海之區政化行馬坐累左遷吏 承命以行軍事多所助益安南平踰年餘黨復貳王師 再出公亦繼往還陞廣東布政司右祭政務持大體而

次三四軍全事 一 之盖春秋六十有八而卒娶表氏繼薛氏子男二本幹 秋為文章不煩思索舉筆率就所居號頤養客至必具 無所迕自公卿下至武人庸隷皆樂親之其學長於春 少詹事階中順大夫公為人和易坦夷不見崖岸於物 寵遇特厚奉令肯授皇孫經明於啟迪滿秩陞詹事府 部郎中數月雅左春坊左庶子在輔導之職言無不從 事廢無啥老釋之學旁通深造雖其徒尊宿者鮮或過 酒相與傾洽遇朋徒之會山水之将朝欣然從之不以 東里續集

左司直即金夏所為事狀請銘義不可辭為叙而銘之 二女長適大理寺丞永嘉湯宗次未行孫男一炳公雖 緊公之與自儒師洗洗執業趨奉此表植模範懸者龜 數千卷而已余與公同為史官時往還後春坊同寮又 歴事三十餘年數更顯任而沒之日家無餘貲惟減書 十餘年相與益厚於是本幹將奉公之喪歸葬餘杭以 **陟于上庠閎厥施紬書石室登金閨討論五禮宗伯資** 

盍視公履誰疾班天目之趾公全歸後欲考德徵銘詩 猗公歴試罔不宜剷觚削畦和以夷有不為公矩入規 **恭賛戎幕文翰馳旬宣出佐南海涯宫坊入恃騰電輝 吹**定四車全 韓茂字茂實三威喪其父某七歲喪母而鞠於叔母九 部郎中柴車所狀處士之行泣拜請銘其葬按狀葉故 和葉處士平其子中書舍人養將奔計歸線經奉 (從宋髙宗南渡家杭之仁和遂世為仁和人處士 葉處士墓誌銘 東里續集

成遭元季之亂寇陷杭州家人皆散失處士被俘即 於恬惶幽間之濱而志於義施常推所有以振窮恤匱 中轉歷山東西又南派大江浮彭鑫瑜五嶺縱觀乎南 緒既冠遂殖其家國家平定四方挾其對進中原走關 感憤能奮弱為壯圖所以自立十四治生事日益見端 其耳金環界寇寇舎之去既歸而孤惸孑然日夜悲摧 海而循八閩以歸遂裹足不出日親其鄉之君子以適 假貸不能償者還其券教其子力學而勉之曰吾適生

白シロアと言

弱之親奮而充彊壯之通飲而弗揚其行之滅而壽與 子男二長即養次蕙女一歸周某孫男三魯壽祖某銘 之賢年八十而卒其卒以永樂癸卯十月九日而葬以 康西俾来也昌 卒之明年某月某日墓在錢塘西山之趾其配岳氏其 顔色諭之曰吾及見汝榮達幸矣然必無辱君父乃汝 非時而不遑於此也汝必成吾志長子擢官近侍喜動

次とり事という

東里續集

孟

龍溪王處士卒將葬其子大理評事昇奉韓府長史楊 分グログと言 王處士墓誌銘

識界於南京素已重之不忍以辭按王氏之先居光州 曜宗所述世出事行介翰林侍讀李時勉以求余銘余 固始自唐從閩而家潭之龍溪世遠族盛至義甫娶李 氏生四男子其三處士也諱舉逸字宗禮少甫知學而

致其誠歲時祠祀祖考遵用儒者禮不感於流俗冠禮 父兄相繼沒即奮自立躬畊以奉母事母生養死葬克

難者恤之貧乏者賙之歲敏穀貴倒廪以貨其償與否 遑於此也若等必務馬又曰學必審夫義利之幾庶幾 次定四事全事 一 **處之居曰息耕為人温厚端謹而樂施濟親戚鄉邮急** 亦必勵以學雖有畎畝之務旦暮躬率不廢而名其宴 切已用也廣購書籍禮致明師以資之昆弟族姻之子 廉軓自忖念國家所為表德勵俗甚盛舉也顧余之鄙 廢於鄉久矣酌古今而行之於家法武中郡當推舉孝 **陋敢忝竊哉卒辭而勉其子於學曰吾蚤孤多艱而不** 東里時俱 主

孫男一 徳躬儉勤相夫以殖家先若干年卒葬其鄉之某原繼 之人免於覆溺所及人聚類此其卒以永樂癸卯十 之竈之左昇永樂二年進士歷安福羅田知縣平京府 郭氏子男二長即昇次萬女二長嫁胡永誠次嫁林显 月二十日距所生至正甲中歷歲八十初娶林氏有婦 溪中失楫幾覆遽命家人健勇數輩以舟往機之一分 不計也里津波舟梁壊輒治之甞颶風望一舟漂里大 一弊女ハト以卒之明年某月日合葬闕

白りじんんき

卷三十八

為不忍辭銘者也銘曰 十年民猶思慕之不忘非誠心愛人何以致此此吾所 推官大理寺左評事能敬慎自持其初為安福於吾同 设主四年全等 人 煇 郡在官數月召還民攀轅送之有至於流涕者今殆二 與仁勤穑以身亦既壽考而全其歸垂祉續聞嗣世有 力弗食凡古之農熟匪士徳允篤宗禮殆古之民悅義 民之類四士農其先農以本重士以道賢越古有士匪 東里續集 ŧ

未用而今已矣於是其從兄吏部主事子環既獨之文 始病也余與錢檢討習禮往問之醫者從傍製藥語余 北京年三十有六其素所交游皆嗟傷悼惜之不已其 之者明於世務達於理道有慈厚愛物之意盖可用而 曰即三日或五日應矣豈謂更數日竟以不起子魁為 永樂十九年四月二十八日翰林庶吉士宋子魁卒於 人温然與人交能輔之菩猝有緩急可望而所為悼惜 故翰林庶吉士宋子魁墓誌銘 巻三十八 **歐定四車全書** 之永樂九年中江西鄉試十三年陳循榜登第為行在 · 請魁生而秀禀異常兇稍長題敏好學讀書或忘寝食 言他日歸葬于鄉也刻之墓中按狀宋之先自廣平徙 吾弟不幸不得少見於時其可使無聞於後乎顧得 明門之外遂出翰林編備尹鳳岐所狀事行泣謂余曰 彬之其曾祖也祖成章復居吉水父若宗母張氏子魁 新淦後徙吉水至祭甫又徒廬陵祭甫生長卿長卿生 日益有造詣選補縣學生下筆為經義論策群軍多讓 東里續集

京無幾得病未病往謁祭酒胡公座中有察人氣色以 材也必度諸匠石駿也遽仆于皂櫪存豈不厚胡薄其 吉士者悉送吏部将授官而子魁不及見矣子魁娶鄧 資明年 尾從還南京十九年春奉 記送秘閣書籍至北 氏子男二忭恪女一卒時父母皆老子幼暨其妻皆不 翰林庶古士文學益進預備性理大全等書書成受賜 在側病而扶持之飲而殯葬之皆子環也銘曰 決体各者特威馬於子魁盖旬浹而卒卒數日凡為庶

こういんしいい 東里衛果 芜

子	<b>敏</b> 定匹库全書					 東里續集卷三十八
さ						卷三
	卷三十八					ナハ
	. I		•	•		

欽定四庫全書

東里續集四十九

集部

詳校官檢討臣羅園俊

中書題源溥覆勘


校對官中書正楊世綸 總校官進士臣楊懋珩

勝緑監生 王増間

元足り事をき THE PARTY OF THE P STATE OF THE PARTY 東里綺集 楊士奇 撰

					<b>全</b> 型之 12 7 17 17 17 17 17 17 17 17 17 17 17 17 1
					卷三十九
r.	·				

-	_	-	 	-	
<b>於定四車全書</b>				·	
7				,	
東里續集					
					-



<b>贬完四車全書</b>								
東里續集		,						
M1								
The second secon								

**貧次無次蘇女二陳珪蕭岸其婚也余官翰林十數年** 年卒繼鄭氏子男三長紫廣西按察司知事能不改其 赴之於人一言不合輔去然無宿怒意休休園林泉石 1問不以外物界其心可為善人也矣宣德十年六月 九日以疾卒春秋六十有四要羅氏余同母妹先 急能

盼 過直不懌鷄鳴告辭去予起謝之疆留數日竟去然所 · 大定四軍全書 | 1 璞兮不鎪而坦於幽歸全斯邱 以顧恤稷者不替昔也吾妹沒吾哭之哀數附書稷令 子稷歸守家尚髫虬頼康氏妹維持教誨而彦英 因以及予情云銘曰 助恤良厚彦英嘗一至南京視余夜共飲酒余片語 以事康姑夫禮加厚豈意彦英又沒哉故為志其爽 止齊陳先生墓誌銘 東里續集

余仕雨京三十有八年鄉間故舊淪謝殆盡五七年 矣為之悲悼久不已乃叙而銘之先生諱春先字仲亨 先生一人今年其子餘書來求墓銘則知先生又謝世 親戚交游老成輩行中有書界往還相問者惟止齊陳 瑞金縣尹以贑州路推官致仕號梅村者其曽祖也祖 萬安縣尹吴文正公為銘其差號前存者先生高祖也 歷宋元至今貴顯相望而以科第進者不可勝數元贈 止齊者其講授之居所名也陳自五季蘇金陵徒泰和

金厂口

**史**主四車全書 | 國 當乏也仲述舉進士為御史先生居鄉恂怕謹恭足跡 論會有詔與學校縣大夫舉仲述充博士弟子先生獨 有遗腹孫先生曰吾可以忘劉先生乎以子妻之先生 留供養綜理其家凡家之內外長幼寒暑旦暮之需未 少間軟挟冊往從鄉先生劉尚書松歸則兄弟自相講 遭兵亂貧賽與兄仲述盡力養母而勤於學兄弟治家 未當及縣門縣令丞如不知有陳御史家劉尚書卒 潮州教授父有慶博學擅文章母蕭氏先生切孤 東里橋集 五

重グロ 雖老猶朝夕坐函丈授徒不倦或以為言者則應之曰 吾豈為利哉顧先人之所業且吾少壮時所資奈何老 述京師適仲述坐累下微先生上疏白仲述免竟得釋 止葬之日遠露既葵雨如故人以為誠孝之應當首仲 而遂棄之也平居事母孝母沒十日将葬霖雨旬淚弗 榮縣舉鄉飲禮賓及有所咨政以於先生先生貌古而 以 題先生求直故家大族凡宴會必得先生正尊席為 仲述卒於官撫育其子先生以德望重鄉里里有競爭 卷三十

**设定四車全書** 岳章女九曾孫男十先生之葬以某年月日葵在某原 無曾敏仲蕭仰初其婿也孫男十升奔兵與襲葵下禄 皆喜親之當有甘露降其庭竹上識者以為養老之祥 氣清色温而詞正儀度雅客恒俯接下無間貴賤老稱 凡受朝廷賜帛牛酒者再年八十餘康健不衰飲食步 台州府學教授直福建按察司照磨復邵女三人劉仲 也春秋八十有五元配王氏繼胡氏子男四皆王出餘 履如常一日得末疾遂不起正統戊午八月二十九日 東里續集

陳来西昌越四百禩崇科清秩累累聞世猗敗止齊隐 賤故契誼特厚余當念得謝事歸旦夕相過尊俎談笑 以終餘年者惟先生一人而先生不待矣余能不悲乎 惟陳楊二氏朔好累世如朱陳先生與余又皆少孤貧 其藏有道不愧 居求志道行鄉邦奚必有位待敗止齋文範是似我銘 能不悲乎銘曰 梁先生墓誌銘

一次定四車全書 一四 哭働者中外縉紳大夫知先生者聞赴亦多嘆息有作 永樂八年七月二十又六日西昌梁先生卒邑之賢士 喻州判升雲之子生三子先生其仲也自勿警敏末七 知鳳翔府與其弟同知黃州充史館編脩官均傑皆有 唐長壽中由長沙從西昌八世祖蕃字均崇仕宋為權 為詩文以悼之者先生諱蘭字庭秀别字不移梁之先 君子皆走哭吊市屋郊野之氓多咨嗟傷悼亦有題赴 名於時會祖昭伯祖才可父彦卿號心易母楊氏元新 東里鋪集

懈未幾元季兵亂父兄相繼沒世獨與弱弟奉老母處 為翰林脩撰無右春坊右赞善次子混歷訓導端州府 恒語之曰今幸遭明時沐治平之澤不可苟馬自逸忘 皇明混一天下授徒里中以資奉養教其子明經飭行 貧困然能適其母之意如未當困也而奮力於學不廢 歲入小學讀書究文義心易公奇之稍授之經自勵不 利苟榮其身而已長子潜歷军四會陽江陽春三邑 所施報長皆命之仕戒之曰士貴有益世用非徒資禄

學教諭漂陽縣學先生東西往還就養日有輕煖甘脆 之奉賓客之好可以自樂二子亦異以此樂其親先生 命貽我羞吾獲歸守先人邱墓以詠歌太平盡吾之天 歎曰盍求樂吾志可也顧謂之曰惟克有終以不辱國 **克定四車全島** 觀道玩微逍遥自得作時樂詩數篇時歌以自適然猶 友尋山水之樂命酒賦詩任意所適於邑西柳溪之上 年為樂不既多乎其子強留之不可既歸日與故人朋 闢畦將蔬雜植花竹引泉灌注而築室其中游爲息馬 東里橋集

當 數賦詩寄其子勉以盡忠不置也既得疾即謝醫樂 至此命矣疾革命侍使具盤盤起沐浴又命取深衣幅 氏以下暨荀楊劉向之徒所著書必為辨析是非孰之 家人請所欲言曰葵祭以禮不一語及他事卒年 取熟之當去諸生聽先生講說旨義條達精到皆於 靖卽之趣當曰士當立心髙明尚友干載庶幾不隨 如得甘食為文簡而婉詩馳騁魏晉而冲澹自然 八性儉素博學明識教人以五經四書為本若

金にクロアとといる

敬愛有窮乏者亟振之或貸不能酬折其券為人解紛 次定四軍全書 题 六曾孫男二先生沒時潜以扈從北京混官漂陽皆不 於朝復深姓云娶陳氏有今德二子即潜混孫男五女 故先生嘗從鍾姓既而梁氏之後絕潛始以先生命請 排難未當求知有知而謝之輙解初心易公出後鍾氏 庫陋居家未嘗疾言遠色而家政肅然與鄉人處得其 南某鄉某原先事以状屬士奇為銘士奇於先生有世 在側是年冬始克奔丧歸將下明年某月某日葬於品 東里續集

蕭搖相羊臻考終澄江之南馬麗封琢詞幽堂永弗聾 指示當路開瞽矇金春石應歌時雍有嗣樂志諧奮庸 五色鮮好被厥躬緼仁持義履適中力探姬孔辨況雄 好且少嘗從受詩法義不敢解不銘銘曰 子賜以翰林編脩楊仲舉所述事状求予著葬銘按顧 氏世居蘇之崑山太父諱福元平江路團場提領父諱 正統二年九月十有二日太醫院士顧仲華卒於北京 顧仲華墓誌銘

近三四軍全書 三 奏舉醫士家貯善樂務施濟益窮乏者得之加衆尤能 效竟卒仲華動弗勝且自憾不習醫不能起母疾也終 捐利以濟急鄉人傳巾逋公租八十石将鬻其子於市 師父已早卒奉母就養愛敬魚至母患痰疾編叩醫弗 然動心語之曰母患苦吾為若盡償也邀至家子白金! 以償避追仲華訴馬且訴即鬻子不足盡償也仲華則 丧即從良醫師學日益有造請久而治疾多愈太醫院 明母陸氏仲華諱文榮有孝德洪武中以間右徙實京 東里續集

日以死累君奈何且骨将安歸仲華白論交豈以存沒 錢走乞於仲華出白金三十兩購之又周丙者負官鈔 為盛衰哉棺飲有一毫不周備者文榮不名為人然必 初客京師遵疾仲華延於家躬視樂食潘華立謂仲華 九十錠自計鬻家産僅償五之一欲自經仲華聞之干 六十兩逐盡價租又周乙者将往戊廣西而行囊無 寓書君之子歸葵卒踐其言凡遇老疾無依死無飲乾 鈔三十錠教為市取息以益不瑜年悉價官番陽潘晦

憾矣語記而卒享年七十有四元配張先二十六年卒 有贏以推以濟人若等惟忠孝寬厚相承即吾眼目無 者皆振恤之襟字和坦喜與賢士君子言論未當役志 女二長歸朱讓次歸吏部考功郎中夏衙孫男一瓊 繼范氏子男一即賜温粹孝友明於醫令嗣為太醫士 既而疾作即却醫樂進其子若孫諭之曰吾家素尚儉 思翰林檢討陳嗣初皆為著傳一日豫戒家人治飲具 生計通邵子數學推将來事多有徵驗國子祭酒胡若

次定四年全書 19

東里衛集

監察御史嚴恭之巡按廣東江西也姦豪懾其清彫瘁 **徳鄉石湖村長山之原銘曰** 其存之仁其施之厚其報之隆有在厥後 葢其屢以使命出也比還縗經一再過余求銘其父之 熟之一日求之稱人中得馬雖心重之然不得數相即 樂其仁益風采不嚴而肅聲譽勃起子初未識也而耳 二仲華之葬以卒之明年二月十七日葵在江寧縣安 封承事郎监察御史嚴君墓誌銘

葬子素重恭故不復解按状其父諱記字子成家錢塘 之平安里子成之曾祖諱德與祖諱世安父諱斌皆不 成送之中都子成且行顧其妻曰汝必盡力奉養吾親 養力請代行父母不能止然不忍少子之獨往也命子 孝養父母而愛其弟某甚厚洪武中朝廷封建親藩簡 民秀壮充侍衛子成與馬其弟曰父母老非兄孰任共 仕母某氏子成自少能領領卓立辛勤治居室番種植 A. JA. J Driest Like Tell 母分毫怠忽既至中都扶持其弟數年乃歸弟後侍衛 東里續集

一致 定四月全書 務極力禮賢師購書籍以資之於子孫善訓誘待人以 赴成都子成心恒耿耿不忍西望寓金帛衣服遗之者 誠長里中徭賦恒捐已以益匱乏者性不飲酒尚樸素 無虚歲每自念少宴幹鹽立家不及學遂以教子為要 六月十四日卒享年七十有四陸孺人家同里甫笄来 陕西道監察御史贈其故妻陸氏孺人子成正統二 近侍婢喜完釋典意澹如也宣德中以恭貴封承事郎 衣止布帛未嘗一服羅綺年四十妻喪不復娶雖老不

為教子晝夜訓勵其學委曲切至逮屬礦猶懇熟為言 [樂塢至是毅恭奉御史君葬其右地道所尚也銘曰 李未行孫男五祀裡社祚裕女一初陸孺人葬邑之佛 承父母之訓者也女三長適孫勝宗先卒次適王昌其 男二長毅次即恭舉進士擢行在陕西道監察御史克 不及他事永樂壬辰正月十七日卒享年四十有六子 行在諸已奚其仕嗣與有燒沒且貴屬銘于史庶不死 東里續集

| 韩孝事舅姑得其懽心舅姑卒相夫治葬事極周俗尤

一多分四母 全書 諱某字某晚號前莊會祖諱越祖諱義考諱某贈刑部 聞上遣進士張瑾賜祭且命有司治葬其子禮部左侍 君元世所具事狀異氏世為建寧政和之豈弟坊人 郎廷用詣闕謝既退過余請余著葬銘按國子祭酒陳 正統元年十一 右侍郎元季兵亂能保障其鄉邑邑人德之母魏氏贈 公天資淳質而端謹忠厚讀書明理言行必主於 刑部右侍郎吴公墓誌銘 一月二十六日刑部右侍郎吴公某卒訃 卷三十九

善事親孝與兄弟同居相友愛每旦一堂相聚言論怡 髙廷用奏歸省時公年九十有三康寧和豫廷用亦六 建南莊別業日有琴書花竹之娱超然物表也公年既 而已取餘馬處鄉都敬長慈幼一盡其誠周急郵患吊 ここり ラーショ **價將鬻子以償者公間而召至毀其券不復責價既老** 慰贈脾加厚死不能葬者與之地有貸公金過期不能 弟之子固求分異不能止資産悉聽擇便利恣其所改 怡然諸子姪或不率未當作辭色但善諭使改諸弟沒 東里崎俱

銀定四厚全書 之教成於家女一 陛行在刑部右侍郎轉禮部左侍郎淳厚敬慎有父風 葬公於邑東瞿里其地宜石槨徧索不獲將代以木啓 歷官四十餘年仁廟嘗稱為君子尤所簡知有以見公 十有七父子並貴朱衣衆笏斑白映照於一堂之中鄉 土得石鄉於傍近甚堅厚脩廣咸稱殆若有神相者人 人祭之公竟以是歲指館子男一即廷用元配張贈叔 繼邵封淑人男張出也永樂甲申進士戸科給事中 歸李景程孫男三人煩旅通廷用將

てこりう とう |徳孔殖允孝允悌以恭以飭惟善之循惟仁之廸際時 皆於吾銘葬而公所得石槨事之異豈非積善有誠之 朝垂四十年所知者两人永嘉黄少保思恭及公皆九 見之如又生被發封享禄養光紫令終加鮮矣吾仕於 謂公積善之應嗚呼踰九望百之年上壽也世或萬 壽為福首上者歲百維皇建極維已殖德噫嘻吴公殿 所致欺銘曰 有三雖品秩不齊然其所膺褒封禄養榮終等也 東里頻集 十五

適有嗣在廷光奮乃續帝庸嘉褒龍秋有赫壽祺奕奕 泰和淳化園園如春被物充悅潤澤極運丘園蕭散灣 銀灯四月全建 父主事君家世事行泣拜請葬銘禮永樂十九年舉進 得辭按狀任豐城故家宋景定三年登方山京榜進士 士余考禮部會試時所選奏者且以鄉邦故數往還不 部即中置城任禮線經奉翰林侍講孫曰恭所狀乃 倫天錫肆用表之刻兹貞石 封工部營繕主事任君墓誌銘 卷三十九. いしてしひこと ここう 屋 其可不勉又曰必勉之庶幾可不恭朝命不辱所生禮 暮以勵其子禮登第授官又勵其蔗慎之即歷舉邑之 遠居友恭相篤治其家肅然念其先科第久未有續旦 雖處屋市所務園田外不别治生業養丧父母與兄丈 傑皆隐居不仕主事君諱能字載遠為人質實明道理 曰陸吕者主事君六世伯祖也曾祖雲卿祖觀徳考原 亦克奉教卓立不浑於羣污中天官者禮績最奏推恩 人語之曰某也以蔗慎致遠大某也以不應慎至覆敗 東里續集

億幕及門外岸限下止馬是夜風雨大作聞啼號聲主 封父承德郎工部營繕清吏司主事主事君既拜受命 見之倉卒投一板援之獲濟樂安氏五人遠役還病且 賀主事君於敬德持謹和益加於昔素急人之急所居 此榮庶幾孝子禮拜稽首曰不敢違教人皆為主事君 顧禮曰誠由 汝克立致兹崇命 然當勉圖為老人保終 事君駁曰是必失所之人遽起脈之取皆席蓋覆且戒 瀕江江漲有清江人垂舟及門而溺已失舟主事君適

銀定四庫全書

卷三十九

ここうえ しょう 安人子男三長即禮會鶴龄榜進士擢工部營繕主事 馬卒於正統三年二月一日享年七十有三配鄭氏封 家人煮鬻食之既而两人死為崇葬岸側而旦暮飲食 今陞郎中次立次吉孫男六長善宣徳乙卯中順天府 其三人後五日五人者之家聞其道病皆走人迎候至 鄉試次士淵士沾乞真同壽元保會孫男一主事君之 乏不畜私量以苟利厚德非一歲邑令舉鄉飲必賔致 則具禮以謝主事一無所受其他如饑歲分廪以振匱 東里隨焦

銀江四庫全書 葬以某年月日墓在某原銘曰 鳴呼我先考少傅公先此陳夫人當元至正甲辰鄉邦 徳之應子孫繩繩尚鴻厥慶 有耀于前克念嗣之有嗣于後克勤勵之命服在躬厥 **超亂舉家從避於袁又三年先公棄代不肖孤時南**醉 人皆避亂平川初陳氏三壻獨先公清德最為 抱孤孩留哀幾 外祖静得陳先生合葬墓誌銘 卷三十九 一歲時外祖静得先生外祖母

とこり可という 曾孺人没於平川先夫人畫夜哭以不肖孤之始有知 時數數遣人撫存寡孤惟恐其失所也不肖孤生十年 幸抵西昌時洪武元年也外家既留於平川會孺人歲 寡孤在遠方不能歸也旦暮號泣不已於是静得先生 家老長所禮重至是咸傷先公之丧也曾孺人尤悲念 其永勿忘静得先生後歸沒於西昌先夫人亦繼謝世 也間服報舉外家事喻之且數告之来歸之故曰小子 躬履榛棘涉艱險来歸先公之丧與先夫人及其孤孩 東里橋集

受外家罔極之恩生七十有四年矣别令熟外家世德 高曾孫忠憲得吉卜於千秋鄉龍門之原且將啓静得 侍不遑遂私宣徳八年始克經營啓殯歸西昌其孫孟 惟曹孺人尚旅殯平川不肖未當一日忘也屬糜禄近 莫或深於不肖者尚敢稽乎陳故西昌儒官家由宋以 来科第甲一邑舉嘉定丙子貢士曰師泉生淳祐丙午 先生殯而合葬馬於是憲走北京屬誌銘嗚呼不肖躬 貢士子安安生書友書友生主一皆以經學教授品

金江口屋台灣

CHO DIOL LILES 條墊明潔聽者言下領悟於教小學尤有法贑郡學平 竟倍不校偽平川二十餘年從學者甚衆先生善講說 性爱兄子如子子婦之兄患難狼狽走平川依之舍之 趣韻蕭散不屑意生産事少承父兄之教博學工文群 先生仲諱庸字以静稱静得先生静得先生器字関達 中主一之配倪孺人二子伯諱謨字以德學者稱心吾 館下衣食之旦暮親授之書教之為詩三年而後去後 而論議明正心吾先生每服之孝弟睦嫻之行本於天 東里續具

暑朝夕溶泊蕭然而正固自守是時儕輩已盡里巷後 礫田園悉墮巧狡則僦數樣以蔽風雨教里塾以資寒 詩文數帙藏於家洪武丁丑二月一十四日沒享年七 異書奇文皆手録之工篆籍於醫藥卜筮皆有造詣有 生流俗莫或知之其意未當不自造也雖老不厭學遇 始挈家歸西昌時華運已久鄉變更一新先盧僅餘尾 川邑學皆聘訓導不就當被徵詣京師力引疾辭既老 十有八曾孺人諱福曾同里世科家曾祖梅伯宋進士

金以口及人可

累官紹與府同知祖懷可元袁州路儒學教授學者稱 孺人天資端重慈惠明肅既歸陳氏孝敬雍睦倪孺人 鷗江先生父思立當舉鄉貢已而退伏不出母李氏曾 大小口口は なから 行未當或專凡所為必當大義主一先生當病静得先 悉付之家事雖躬任勞而每事必誤諸其如羅孺人乃 恒情老念少子吾即不起員郭田其子庸三之二心吾 生出治藥時倪孺人及心吾先生在倒主一先生言人 先生跟曰負郭田不及百畝即大人不言謨將悉予弟 東里續集

而行而羅孺人一惟其言之從也蓋終身與羅孺人相 金号电压人 曰父母而次兄實長若之何我多得員郭田應多授兄 主 奚啻於二主一先生不懌而默已而靜得先生還會孺 舅姑皆沒羅孺人又悉付之家事雖細事不自專必白 人語之故且曰獨不知事兄之義乎靜得先生趨入跽 親愛如同産兄弟有疾更相扶持皆如痛之切已身也 一先生顏倪孺人曰渠曷遽知之曰會新婦所尊也 一先生拊席喜曰住兒住婦住兒住婦數日病寒後 卷三十九

天主四年 45 曾孺人率子婦事羅孺人盡爱敬羅孺人甚安之盖忘 時兩家各東西散不知所向兩孺人皆以相失悲傷不 已葬祭一如禮會孺人於治家秋然子姪及婦皆私肅 其在旅寫也居數年羅孺人沒會孺人哭之慟累月不 人偕避冠入南山中選迤趨平川心吾先生時客韶陽 食飲後遣人求得之羅孺人竟違其子若婦獨與曾孺 至州人倉卒扶老挈幼出走渡江婦家扶羅孺人俱渡 日羅孺人因宴會止宿子婦家中夜謹舊傳安成冠 東里續集 主

聽訓教無敢踰越食飲衣服之給必均一自婦以下至 金りて 子男二長能字孔武後數年卒於賴次與字孔載切為 而心歸之以洪武乙卯三月十二日没享年五十有 曾孫男三忠憲懋銘曰 人仲斌後兵亂遭俘女一即先此累贈夫人孫男 孔武子長孟京永樂丙戌進士翰林庶吉士次孟高 奴有疾悉親視其樂食故不問貴賤上下雖嚴憚 敗先生德醇行莊于守有常于教有方猗般孺人

いくこしりら へたう 患而執守不移故世為邑之望然先澤既遠三四十年 皆服詩書修仁善文學有聞行義有稱雖歷世變處憂 令人合璧駢瑞龍門之原歸馬有墳春秋霜露來拜如 貞允肅維仁之存維義之篤嗟古野哲恒難其配懿此 嗚呼吾宗之居西昌者其先雖出處不齊豐薄不 来老成凋落且盡後生晚出不能究知上世其漸習益 姪孫敏達墓誌銘 東里情集 主

懼吾宗之衰也比二三年有如吾志者得两人皆仕於 利之辨而謹諸躬然為挺尤難挺早孤而艱有立志孝 南京從子太學録弱族孫都察院檢校挺皆克明於義 派涕者矣嗚呼是豈祖宗所願於後之人哉吾益慎乎 朝召至試文章遂授檢校挺事上官如父待察之長如 治詩經風夜淬礪持行端恪宣城令以賢良方正舉於 其母敬事二伯及愛二弟無失自少勤學恒表糧從師 下葢余出仕四十年往往聞其所行有可為太息可為

動分四月全書

卷三十九

醫皆曰此於法不治二公曰雖然無不用藥之理挺時 之急合院崇甲皆賢之無問言右副都御史五雲朱公 Children area 甚質凡百樂物之資皆出二公樂之數日竟卒二公及 遣子從之學而實師禮之聲譽日起聚咸謂吾楊氏有 虞吴公偕朱公往視之二公皆有憂色吴公為致數醫 人亦謂其禄位必且遠至矣一日得疾左副都御史海 不以風雨寒暑稍怠取予以義不一毫茍且而能急人 盡誠意與人交議和悃欽而治其職務鎮家謹慎 東田橋集

侗女一 徒戚挺戚吾宗之若挺者鮮也嗚呼惜哉挺字敏達其 之不永善人也其屬相率出資歸其觀及其妻孥諸司 其屬吊臨皆働二公又共為具棺飲吴公數曰何天道 金江口屋人量 會祖師魯祖子尚考彦威母郭氏其娶尹氏子男二 卒之明年某月日銘曰 夫孰無子克肖豈多亦孰無孫克紹幾何遵矩率規騎 亦多有悲挺而賻之者余時在北京聞挺死甚戚葢不 一皆切挺卒於正統三年某月日享年若干葬以

こくこううう 平生以志於墓以勵厥後俾承厥度 顓不忘爰方啓行輪仆軫亡嗚呼挺也寧知吾傷約 郭公合三司寮屬遍求醫療竟不起九月三日也發其 秋使事畢將歸得熱疾布政使南昌彭公按察使蕪湖 裝蕭然遂相與治棺飲且歸其喪孟嘉吉之泰和人 正統七年河南道監察御史康崇孟嘉奉使廣東明 先見余所作康氏譜孟嘉自少勤學雖貧志操卓然官 河南道監察御史康孟嘉墓誌銘 2.4.17 東里續集 盂

賢孟嘉瑾當語人吾輩以友道待孟嘉未當以屬而孟 嘉事其上官皆謹凡所施於下吏者亦咸見敬愛三載 勤於職務按察使謝瑾及其寮佐皆一時之賢者亦皆 徳中舉賢良為廣西按察知事持其言行不肯茍且而 操行益嚴不肯枉道狗物當巡按浙江歲餘君子稱其 考最刑部尚書匡南魏公前未嘗識孟嘉採請與論薦 嚴而不察公而有禮得麼體之正孟嘉在察院處其同 為監察御史益明法意究大體用刑能恕而致勤夙夜

The digital and and 察相好無問言獨都御史陳智怙勢騁私昵那響正凡 者皆以罪罷點如孟嘉言孟嘉為人和厚坦易蔗潔公 其屬之正直者及為正直大臣所舉者智皆惡其不阿 自束髮聞一善言軟服膺之不混儕流俗今卓立如此 有八孟嘉余女弟之子十二三從余在兩京二十餘年 正與物無競其卒也士君子皆為之嗟悼其享年四十 彼所為若是将不自容何能容人無幾智及其所素昵 狗已而不禮遇之或尊孟嘉盍少枉以取容乎孟嘉曰 東里續集

金与口尼人 配羅氏子男一詡女四長者有歸餘未行孟嘉之葬以 卒之明年某月某日銘曰 余方資賢甥以終老豈謂溘先吾而逝也嗚呼惜哉其 公其所存端其所履不亟不徐以網以紀嗚呼孟嘉蓋 東里在邑東清溪之上吾萬曾以来居之楊氏宋盛際 棺事已舅氏之銘庶其不死 自吉水從泰和號儒宦家益四百年矣稱東里者重所 東里老人自志

轉至左春坊左諭德翰林學士又五轉至少傳兵部尚 起家文學除吳王府審理副改翰林編修陞侍講又四 待制朝列大夫机嚴氏弘農郡君繼高氏祖考公榮如 氏贈弘農郡君會祖考景行延祐初科進士累官翰林 とこううとう 寓字士竒後以字徵一歲而孤陳夫人鞠之教之既 自云高祖考復圭元贈富州尹騎都尉弘農郡伯如黄 柱國少師兵部尚書無華益殿大學士此皆夫人吾名 氏考子將如陳氏國朝累贈三代考皆至光禄大夫 東里磺集 兲

大夫柱國歷事四聖皆居清家越自授官所題行道心 ·慕陳善退勤省躬而施以公而守以約始終一意風夜 書無華益殿大學士逐進少師縣承事郎累轉至光禄 不忘若蒙負乘之譏昧止足之義皓首徒弊毫末無稱 而智慮弗逮故秩愈進而憂愈重寵愈厚而畏愈切進 存體國志在濟人惟理無窮盡而學殖未充事有甚難 故事聊述平生用截坐室亦以示於子孫閥生世八十 反思惕然内愧何已風燭奄及幸保歸全轍循杜牧之

金江四月石潭

KIND DIE LINE 昔也其浮今也其休曠八極兮逍遥聊委蛇兮兹丘 吾所治也室以是年十二月二十日虚其右以侯郭銘 孫鄉貢進士素以其丧歸葬撫之金谿先事奉紹陵所 年切禄於朝四十有四年去世以正統九年三月十 永樂丙申春三月壬子太常寺賛禮郎嚴紹陵卒其從 日元娶嚴繼郭皆封夫人子三男四女孫男七白雲原 故太常寺替禮郎嚴紹陵墓誌銘 東里衛某 圭

問未冠丧其父母獨外兄陳繼善異視之語之曰子非 孟簡助為之請按嚴氏出漢處士光之後其始居金谿 自述世次行事來請銘春坊吴中九仲平翰林周編修 壓俗人言契紹陵意遂以入恭珠觀為道士師事王冲 判考諱吞中母陳氏紹陵諱師尹自初簡重寡欲好學 西林者至紹陵十一世曾祖諱仲建祖諱禮用黄州通 道鄧伯舟授以玄與日駸駸有造詣洪武已未郡縣以 部行選充樂舞生送京師居神樂觀十餘年其自治益

金八口匠

嚴而玄學益進數奉命代祀古帝王及名山大川擢 常寺賛禮郎階將仕郎陞登仕郎歲有事於天地宗廟 百神紹陵既熟於禮典而嚴恭對越進退周旋執事 賢者俾供歲祀察素有秀質曰此可以承吾宗取教育 雖孜孜軄關而其中心泊然不累於物固游乎方之外 恪見重於時累署太常典簿以勤慎稱尤為真人張宇 初所知當作釣雪圖况之因號釣雪翁在官幾三十年 也為於宗族先世有祭田歸他姓竭貲贖歸授族人之 ---東里時集

欽定匹庫全書 澹乎其外冲乎其内湛乎立於神明之庭超乎樂於希 皆素也紹陵卒年六十有五葬以卒之歲某月某日銘 之又遣從學明經師數歲素舉鄉貢進士故今主其丧 夷之際六十五年電邁灰馳又百千年復来歸哉 東里續集卷三十九